

نظام الثلث الأخير بالثانية " قيام الليل " | #محاضرة | د. حازم

شومان

حازم شومان

السلام عليكم ورحمة الله وبركاته. السلام عليكم ورحمة الله وبركاته ما شاء الله لا قوة الا بالله. شكلكم مركزين من الاول. ربنا يستر بقى. ونكملها تركيز كده للآخر باذن الله سبحانه وتعالى. لان - 00:00:00

موضوع الليلة مهم جدا يا جماعة. موضوع الليلة حياء وموت. موضوع الليلة حياة او موت. ده الصحابة والسلف خدوا موضوع الليلة كده. النبي عليه الصلاة والسلام خد موضوع الليلة قتال. هنشوف الوقتي يعني الواحد متعجب القتال اللي النبي عليه الصلاة والسلام - 00:00:25

سلام. كان يقاتله في الجهد عشان العبادة بتاعة الليلة اللي احنا هنتكلم عنها باذن الله سبحانه وتعالى. الحمد لله وكفى. وصلاة سلاما على عباده الذين اصطفى. اللهم لك الحمد كله ولك الملك كله. وببيدك الخير كله. واليك يرجع الامر كله. لبيك يا ربنا - 00:00:45 وسعديك والخير كل الخير في يديك. والشر ليس اليك. انا بك واليك. تباركت وتعاليت. استغفرك واتوب اليك. اللهم فصل على الحبيب محمد وعلى ازواجه امهات المؤمنين وعلى ذريته وال بيتك انك حميد مجيد. اما بعد مش قادر والله يا اخواني ابدأ هذا الدرس - 00:01:05

من غير ما اقول لكم اني احبكم في الله. يعني انا لو ما بصتش كده ممكن ابدأ واتكلم. انما ببص كده فحسيت ان انا يعني مش قادر ما اقول لكم - 00:01:25

اني احبكم في الله. اني احبكم في الله ايوه كده احبك الله. يعني عايزين ايه ؟ يعني المشاعر كده تتفجر كده. ماشي يا اخواني في الله مقبولة منكم. يلا يا عم معلش. ما فيش مشكلة ان شاء الله باذن - 00:01:35 بكرة الايمان يزيد والحب في الله يتفجر من القلب واكثر واكثر باذن الله سبحانه وتعالى ويزيد باذن الله. عايزين نتكلم عن ايه يا اخواني تخيل لو تخيل لو يعني حصل اوائل السانوية العامة طلعت النتيجة ربنا يوفق كل طلبة السانوية العامة يا رب اللهم امين. يعني على طاعته وابتغاء - 00:01:55

تخيل لو طلعت النتيجة والعشرة الاوائل رئيس الجمهورية عايز يكرمهم. رئيس الجمهورية هيسيب مسؤولياته وينزل كرمهم لأ هيبعت لهم وزير التعليم. طب تخيل لو فيه ناس من المثقفين في البلد مطلوب انهم يتكرموا. رئيس الجمهورية هيسيب - 00:02:15 مسؤولياته وينزل يكرمهم لأ هيبعت لهم وزير السقافة. او وزير الاعلام. انما حد خد جائزة نوبل يا جماعة. ورفع شرف مصر على مستوى العالم كله. جائزة الدولة التقديرية الاكبر علماء في البلد. تخيل كده رئيس الجمهورية لازم ينزل يكرم دول بنفسه ليه - 00:02:35

لان دول اللي رفعوا شرف البلد قدام الدنيا كلها. اهو ده قيام الليل يا جماعة. قيام الليل ربنا ما نزلكش ملك من الملائكة فيه ربنا ما نزلكش ولا ملايكة المأ الأعلى. ربنا هو اللي تنزل بنفسه لهذه العبادة. متخيل معي - 00:02:55

المعنى المهول ده هو يا جماعة. المعنى الرهيب اللي لو قلوبنا استشعرته هنعرف يعني ايه قيام الليل. هنعرف قدر القوام عند الله هتعرف قيمة كل سانية في قيام الليل. لو قمت قبل الفجر بسانية اسجد لربنا شكر. مش لو قمت قبل الفجر بدقيقة - 00:03:15 او بنص ساعة او بساعة لو بسانية. اسجد لربنا شكر. اللي قاله دقائق الليل غالية. لا والله سواني الليل غالية بالثانية عارفين نظام

فودافون بالثانية؟ النهاردة نظام التلت الاخير بالثانية. السانية هتفرق يا جماعة بازن الله سبحانه وتعالى - 00:03:35

في تغيير مسار حياتنا ربنا في العبادة دي بالزات لانزل لك ملك مقرب ولا انزل لك اي حد ربنا هو اللي تنزل بنفسه سبحانه وتعالى.

تخيل العبادة اللي ربنا تنزل لاهلها بنفسه. تخيل العبادة اللي الملك سبحانه وتعالى - 00:03:55

تنزل لاصحابها بنفسه. يبقى العبادة دي لها قدر عند ربنا شكله ايه. يبقى العبادة دي لها قيمة عند ربنا شكلها ايه؟ يبقى العبادة دي اهلها

عند ربنا سبحانه وتعالى مقامهم قد ايه؟ تخيلوا لو ملك من من الملوك يعني نازل مسلا المنصورة فخمسة ستة مناس بس - 00:04:15

اللي كانوا في استقباله وباقي البلد ما كانوا في استقباله. نزل بعد شهرين لقي نفس الخمسة ستة. هم اللي في استقباله وباقي البلد

مش في استقباله نزل بعد سنة نفس الخمسة ستة الملك ده لما يبجي يعين محافظ للمنصورة هيعينه من مين؟ من الخمسة ستة. لما

يبجي يعين مستشار له من - 00:04:35

المنصورة هي عينه من مين؟ من الخمسة ستة. يا اخوانا قيام الليل ده سبب للاصطفاء يا اخوانا. يا جماعة هو ليه اتنين ملتزمين

دخلوا الالتزام مع بعض واحد بقى داعي الى الله وواحد بقى نايم في مكانه عشان العبادة اللي زي ده هي عشان دي لما ربنا بيصطفها

- 00:04:55

هيصطفي من مين؟ من اللي بيقوم لتنزل الملك في التلت الاخير. لما ربنا يختار هيختار مين؟ لما ربنا يستعمل هيستعمل غير اللي قام

بين ايدين ربنا في التلت الاخير حينما تنزل الملك قبل ما ندخل في موضوع الليلة يا اخواني لازم الاول - 00:05:15

نعرف حقائق عن قيام الليل. لازم نعرف ان قيام الليل اتفرض قبل ما تتفرض الصلاة. لازم نعرف ان قيام الليل اتفرض قبل ما تتفرض

الزكاة. لازم نعرف ان قيام الليل اتفرض قبل ما يتفرض الصيام. لازم نعرف ان قيام الليل اتفرض. قبل ما يفرض الحج الفريضة -

00:05:35

الاولى في الاسلام. اول فريضة فرضت على النبي صلى الله عليه وسلم واصحابه. لما النبي كان معه خمستاشر عشرين واحد قاعدين

مع بعض في دار ارقب هم اللي خرج منهم خلفاء العالم. هم اللي خرج منهم الرجالة اللي قادت حركة التغيير وحركة نشر الاسلام في

العالم - 00:05:55

يبقى اذا النهاردة انا جاي اكلكم عن وليمة سمينية اوي. اوعوا تضيعوها. النهاردة انا جاي اكلكم عن صفقة رابحة اوي اوعوا

تضيعوها. انا جاي اكلكم النهاردة يا جماعة بازن الله سبحانه وتعالى عن قيام الليل. انا عايزك انت تسخن مع نفسك بقى. انا عايزك

انت تركزي مع نفسك. يعني ايه - 00:06:15

يعني انا انا عايزك انت تتفاعل مع كل اية هتسمعها. مع كل حديث للنبي عليه الصلاة والسلام. ما تسمعه. انا متعجب والله يا اخوان

متعجب. النبي عليه الصلاة والسلام كان بيقسم الثغور ما بين اصحابه. دول هيمسكوا السرايا. دول هيمسكوا جمع الزكاة. دول -

00:06:35

اغر ايقاظ الناس لقيام الليل. الرسول ما سابوش لحد. الرسول هو اللي مسكه. ازاى؟ هنعرف الوقتي بازن الله سبحانه والا ولكن انا

عايز اقول لكم في البداية وداعا رجب وداعا رجب. الواحد بيقولها يا جماعة وقلبه ممكن يتقطع فيها. يا خسارة - 00:06:55

اه يا خسارة على شهر رجب. النهاردة خمسة اربعة وعشرين رجب تقريبا. اربعة وعشرين رجب. وداعا رجب. يا جماعة ما عدش فيه

غير ست ايام بس. الايام اللي الحكاية ديت انتم عارفين انا حاسس فيها باحساس ايه بالزبط. الجمعة الجاية شعبان ان شاء الله. يعني

الجمعة الجاية هنتكلم عن شعبان بازن الله يبقى واحد شعبان. عارفين انا - 00:07:15

حاسس باحساس ايه؟ احساس اب ابنه بيسافر طول السنة برة وببيجي لابوه شهر واحد في السنة بس. فابوه مستني ان ابنه تيجي

ومشتاق ان ابنه يبجي ولكن وهو ابنه جاي فرحة ابوه ان ابنه جاي ممتزجة مع - 00:07:35

خوف ابوه من اللحزة اللي ابنه هيقول له مع السلامة فيها. من هنا ورايح يا جماعة رجب جه رجب راح. شعبان جه شعبان راح ليلة

ليلة النص راحت. رمضان جه. رمضان راح. العشر الاواخر جم. العشر الاوائل راحوا. ليلة القدر جت ليلة القدر راحت. للاسف -

00:07:55

على قد فرحة الواحد بالمواسم اللي احنا داخلين عليها. على قد خوف الواحد من اللحزة اللي هيتقال فيها رجب مع السلامة. شعبان باي باي مع السلامة خلاص. رمضان عليه العوض. مستنيينه السنة الجاية ييجي بقى. يا اخواني في الله رمضان السنة دي هيبقى -

[00:08:15](#)

بتاعه سبع ساعات ونص. سبع ساعات ونص. انت متخيل! ده مش من العشاء للفجر. ده من المغرب للفجر. يعني سبع ساعات ونص. انت اتكن فيهم وهتشرب فيهم وهتنام فيهم وهتروح تصلي المغرب والعشاء فيهم وهتصلي التراويح فيهم. هنتهجد امتى يا جماعة؟

[00:08:35](#) هنعوم الليل امتى يا جماعة؟ اللي مش هيتعود -

على قيام الليل من الان؟ للأسف الشديد صعب ان هو يغتنم رمضان. اغتنام حقيقي. عشان كده عايزين نبدأ اتكلم بقى نتكلم يا جماعة

عن قيام الليل مع بعض. عايزين نبدأ نتكلم الاول قد ايه الصحابة كانوا بياخدوا قيام الليل حياة او موت. يعني ايه - [00:08:55](#)

او موت. يا اخوانا لما عباد ابن بشر وقف يدافع عن الجيش. لما عباد ابن بشر وقف يحرس الجيش المسلم وهو نائم. وجه راجل

مشارك ورماه بسهم عباد ابن بشر كان يقوم الليل بسورة الكهف. السهم غرز في جسمه عباد نازع السهم. وكمل قيام الليل. الراجل -

[00:09:15](#)

سهم ثاني ورماه على عباد ابن بشر. السهم غرز في جسمه. ممكن كسر له ضلع. ممكن دخل في لحم. ممكن نزع دم. ممكن اقطع له

عضلة ممكن عمل له تهتك في اربطة. ممكن كسر له عظمة ثانية. انا عايزك تتخيل عباد ابن بشر يغرس السهم ثاني ينزعه من -

[00:09:35](#)

تحملوا دمه ويكمل قيام الليل. المشرك مسك سهم ثالث. ورمى عباد ابن بشر. عباد ابن بشر شال السهم من جسمه كمل قيام الليل لحد

ما خاش انه يموت فايقظ واحد من الصحابة يكمل مكانه. انا عايز اقول لك ايه عايز اقول لك يبقى قيام الليل بالنسبة لهم كان حياء

وموت يا جماعة - [00:09:55](#)

اللي بيضرب بسهام ومصمم انه يكمل العبادة يبقى حياة وموت. ابو مسلم الخولاني لما كان يمسك كرباج في المكان اللي بيقوم الليل

فيه. ولما رجليه تورم من طول القيام يمسك رجليه يجلد بها بالكرباج ويقول لها قومي - [00:10:15](#)

سابوا اصحاب محمد ان يسبقونا اليه على الحوض. اه والله لنزاحمهم عليه حتى يعلموا انهم قد خلفوا وراءهم رجالا. يبقى هو اعتبر

ان الرجولة هي ايه؟ قيام الليل. يبقى هو اعتبر ان البطولة هي ايه؟ قيام الليل. يبقى هو اعتبر - [00:10:35](#)

هيوصله للنبي عليه الصلاة والسلام. ويخليه يقف جنب الصحابة على الحوض. هو ايه؟ قيام الليل كان يبجلد رجليه. كان بيكربر

رجليه عشان قيام الليل. عباد ابن بشر يتضرب بالسهام ومصمم يكمل. وابو مسلم الخولاني يكربر رجليه. يقول لها قومي -

[00:10:55](#)

فوالله لازحفن بك زحفا حتى يكون الكل منك لا مني. يبقى اذا قيام الليل ده يا جماعة بالنسبة للصحابة والسلف كان قضية حياة او

موت. ابو مسلم الدوراني بيقول لك انه كان بيمكث في الاية الواحدة اربع ليالي او خمس ليالي. ثابت البناني - [00:11:15](#)

يقول لك جاهدت وكابدت قيام الليل سنة وتلذذت به عشرين سنة. في رواية كابدت قيام الليل عشرين سنة وتلذذت به عشرين سنة.

ايه العبادة؟ اللي ممكن عالم من العلماء يسخر عشرين سنة من عمره عشان - [00:11:35](#)

يجاهد فيها. ايه العبادة اللي ممكن عالم من علماء الامة يسخر عشرين سنة من حياته عشرين سنة من عمره عشان العبادة دي بس.

يبقى العبادة دي ايه؟ يبقى العبادة دي لو جت كل الفتوحات هتيجي بعدها قد ايه؟ يبقى العبادة دي لو - [00:11:55](#)

وانت نجحت فيها هتبقى نجحت في كل حاجة بعدها قد ايه. هنتكلم يا اخوانا عن ازاي النبي عليه الصلاة والسلام كان بياخد قيام

الليل قتالا جماعة قتال عليه الصلاة والسلام. النبي عليه الصلاة والسلام من اعجب ما قرأت في الاحاديث الصحيحة عن النبي عليه

الصلاة والسلام. النبي لما كان تلت الليل - [00:12:15](#)

تيجي تلت الليل يا اخوانا تلت الليل يعني الواحد ممكن مرة مسلا حاول يصحي اخ له في قيام الليل. حاول يوقظ اخ لي قبل اعتقد

ان دي النبي كان بيخرج من بيته لما تلت الليل ييجي. ويصرخ في شوارع المدينة المنورة. ويقول يا - [00:12:35](#)

ايها الناس اذكروا الله اذكروا الله جاءت الراجفة تتبعها الرادفة جاء الموت بما فيه. جاء الموت بما فيه. متخيل! النبي عليه الصلاة والسلام واقف يصحي لقيام الليل بنفسه. ينزل يفوت على علي وفاطمة يخبط على الباب. يخبط على الباب! يعني الواحد مستغرب يا جماعة! يعني - [00:12:55](#)

هو ممكن حد يخبط على حد قبل الفجر بساعتين عشان يصحبه. يخبط على الباب. يقول لهم الا تصلين؟ انتم ازاى نايمين؟ ينادي ايقظوا صواحب الحجرات. صحوا امهات المؤمنين. ماذا انزل الليلة من الخزائن؟ وماذا انزل الليلة من الفتن؟ صحوا امهات المؤمنين - [00:13:25](#)

صلوا قيام ليل. صحوا علي وفاطمة يصلوا كم ليل؟ ينزل يدور في شوارع المدينة في جوف الليل. ويبيجي ثاني يوم يقول له يا ابا موسى ابو موسى الاشعري لو رأيتني وانا استمع اليك البارحة. اه يا ابو موسى لو رأيتني وانا امبارح - [00:13:45](#) دموعي نازلة من عيناى. وانا امبارح التأسر متملك مني وانا باسمع القرآن منك في قيام الليل. ويقول لابو بكر يا ابا بكر مررت عليك البارحة فوجدتك تخفض صوتك في قيام الليل. يا عمر مررت عليك البارحة فوجدتك - [00:14:05](#) ارفع صوتك في قيام الليل. النبي عليه الصلاة والسلام عارفين يا جماعة مباحس امن الدعوة؟ النبي عليه الصلاة والسلام كان يبلف في طرقات المدينة يشوف مين اللي بيصلي ومين اللي ما بيصليش مين اللي بيقوم الليل ومين اللي ما بيقومش الليل تخيل كده الشيخ محمد حسان ولا الشيخ ابن باز رحمه الله - [00:14:25](#)

تلاقبه جاي لك بالليل يحط ودنه كده جنب الشباك بتاعك. ويخبط عليك. ويقول لك اصحى قم الليل. طب تخيل بقى النبي بنفسه اللي كان بيعمل كده. النبي بنفسه عليه الصلاة والسلام. ويجيب عبدالله بن عمرو بن العاص يقول له لا تكن مثل فلان - [00:14:45](#) كان يقوم الليل فترك قيام الليل. عبدالله بن عمر يشوف رؤيا جهنم يقول لاخته السيدة حفصة ام المؤمنين يقول لها نعم العبد ابا عبدالله لو كان يقوم من الليل كان ممكن يقوم لحد ما رجليه تتفطر. كان ممكن رجليه لحد يقوم لحد ما - [00:15:05](#) تتشقق. كان ممكن يقوم لحد ما رجليه تورم عليه الصلاة والسلام. كان ممكن يقوم الليل كله باية واحدة عليه الصلاة والسلام. كان ممكن يبكي في قيام الليل لحد ما سدره ولحيته والارض يتبلوا من دموع النبي. الدموع الطاهرة للنبي عليه الصلاة والسلام. انتم متخيلين معي يا جماعة - [00:15:25](#)

النبي وهو بيقول اني لاعرف منازل الاشعريين من صوتهم في قيام الليل بالقرآن. وان لم ارى منازلهم بالنهار النبي نازل يشوف مين من القبائل اللي وفدت على المدينة اللي بيصلي قيام ليل ومين اللي ما بيصليش قيام ليل؟ النبي كان بيراقب - [00:15:45](#) العبادة دي بنفسه يبقى يقينا النبي يعرف ان اللي هيقيم الليل هو اللي هيبقى راجل. اللي هيقيم الليل هو اللي هيتربى. اللي هيقيم الليل هو هيوصل لرينا عشان كده النبي عليه الصلاة والسلام كان بيراقب ابو بكر وعمر نفسهم في قيام الليل. يبقى النبي يا اخواني في الله كان واخذ قيام الليل - [00:16:05](#)

القتال. النبي كان مريض سليم كان بيقوم الليل. النبي كان في سفر في حضر كان بيقوم الليل. النبي مهما كانت الزروف كان بيقوم الليل. النبي عليه الصلاة والسلام هو اللي علم الصحابة والصحابة هم اللي علموا السلف ان قيام الليل ده قضية حياة او موت. ان اللي ما بيقومش الليل ده محروم يا جماعة - [00:16:25](#)

اللي ما بيقومش الليل ده غلبان يا اخواني. قرأت امبارح حديث اول مرة افكر فيه. ولكن كان هيجنني. يعني انا اول مرة افكر في الدلالة بتاعته. النبي بيقول لك ايه؟ عليه الصلاة والسلام. هو له كذا حديث وكذا ورواية. رواية عقبة بن عامر بيقول لك - [00:16:45](#) حدثنا رسول الله صلى الله عليه وسلم عن الرجل يقوم الليل يعالج نفسه الى الطهور. يعالج ديت اي حد بيقوم الليل يجربها. انك قايم ياه مش قادر. هل كان طول النهار تعبنا - [00:17:05](#)

وبتعالج في نفسك بتقوم نفسك بالعافية. وعليه عقد. الشيطان عامل له سحر. رابط عليه. ومن شر النفاثات في العقد الشيطان عامل له عقد. فاذا وضأ وجهه انحلت عقدة فاذا وضأ يديه انحلت عقدة - [00:17:25](#) فاذا مسح رأسه انحلت عقدة فاذا وضأ رجليه انحلت عقدة اسمع فيقول الله ملائكته الذين وراء الحجاب. يا ملائكتي انظروا الى

عبدى يعالج نفسه الى الطهور يسألني ما سألني عبدى فهو لا. اللي شدني في الحديس ده يا جماعة - [00:17:45](#)
اللي شدني في الحديس انها تخيلت كده ان انت قايم بالليل تصلي وتعبان وما انتاش عارف ان من فوق سبع سماوات الملائكة كلها واقفة تتفرج عليك. وان ربنا سبحانه وتعالى يجمع الملائكة. انت متخيل ان انت قاعد في اوضة لوحده ومفكر انك لوحده. وانت بتصور بكاميرا - [00:18:15](#)

والكاميرا عارضة صورتك على شاشة كبيرة جدا قدام جمهور كبير جدا وكلهم قاعدين يتكلموا عنك. انت ما انتاش حاسس بالمنزر ده ؟ انت مش حاسس انك انت قايم بتقاتل عشان تقف على رجلك. وربنا من فوق سبع سماوات. جامع الملائكة وبيقول لهم - [00:18:35](#)

يا ملائكتي انظروا الى عبدى. بصوا كده وتأملوا بيعمل ايه. بصوا هو بيغسل وشه. بيغسل ايديه. حركة حركة من حركات. بصوا ايده بيسألني يا ملائكتي ما سألني عبدى فهو لا. حديس تاني عن النبي عليه الصلاة والسلام ان الله - [00:18:55](#)
ان الله يضحك. يعني انت واقف بتقوم الليل وربنا من فوق سبع سماوات بينظر لك ويضحك. يا ربي الحديس ده يا جماعة ما يخلكش تموت نفسك عشان تقوم الليل ان قيام الليل ده فيه حوار مهول بيحصل في الملاء الأعلى - [00:19:15](#)
بسببك انت انت واقف وما انتاش حاسس وممكن تكون في كرب وقاعد تقول يا رب وممكن تكون خايف على قلبك وبتقول يا رب وانت ما انتاش حاسس ان الدنيا مقلوبة. وسط الملائكة بسببك. وان انت عامل عند الملائكة زي النجم في - [00:19:35](#)
السماء بالنسبة لنا احنا وكلهم قاعدين يتفرجوا عليك. وربنا من فوق سبع سماوات بيضحك لك انت مخصص وربنا سبحانه وتعالى بيقول للملائكة ان الله لا يضحك الى رجلين. الاول رجل قام في ليلة باردة عن لحافه ودثاره - [00:19:55](#)
ساب مراته وساب الفرج وساب. اه فقام في ليلة باردة. ها يصلي بين يدي الله سبحانه وتعالى. فيقول الله اه يا ملائكتي يا ملائكتي ما الذي اقامه؟ معا لحافه ودثاره وفراشه. ايه اللي خلاه يسبب اللحاف والدفاع - [00:20:15](#)
والفراش ويقوم يصلي فتقول الملائكة يا رب رجاء فيما عندك ورهبة مما عندك. فيقول الله فاني قد اعطيته ما رجا وامنته مما يخاف. وانت يا عيني ماسك المصحف وقعدت تقرا او قاعد تدعي - [00:20:35](#)

او قاعد ساجد وانت مش حاسس وربنا بيكلم الملائكة. والملائكة بتكلم ربنا. والملائكة بتكلم بعض. وكل ده بسببك انت وكل ده عشانك انت. وكل ده على شرفك انت. عرفته ليه؟ ان جبريل قال للنبي عليه الصلاة والسلام - [00:20:55](#)
واعلم ان شرف المؤمن قيامه بالليل يا دي الشرف يا جماعة! يا دي الشرف حديسة صحيح عن النبي عليه الصلاة والسلام اما قراءته اشتاق قلبي لكل سجدة في التلت الاخير. ان ربنا اعانك عليها. قال رسول الله صلى الله عليه وسلم - [00:21:15](#)
اقرب ما يكون. احنا عارفين اقرب ما يكون العبد من ربه وهو ساجد. لأ. اسمع بقى اقرب ما يكون من عبده في جوف الليل الاخر. عايز تعيش مع تجليات اسم الله - [00:21:35](#)

طيب قم الليل. اقرب ما يكون الرب من عبده وهو في جوف الليل الاخر. فان استطعت ان تكون ممن يذكر الله في تلك الساعة فكن يعني ايه ؟ يعني اجمع حديس اقرب ما يكون الرب من عبد اسم الله القريب. تجليات اسم الله - [00:21:55](#)
القريبة تطلع عليك في قيام الليل. شف قرب ربنا منك هيعمل لك ايه في قيام الليل؟ في جوف الليل الاخر. طب وحديث اقرب ما يكون العبد من ربه وهو ساجد. عشان كده - [00:22:15](#)

سيدي بقى عشان كده يا سيدي بقى سجدة التلت الاخير دي ما لهاش حل. ليه ؟ لانك وانت ساجد اقرب ما تكون الى الله. والتلت في الاخير اقرب ما يكون الله اليك سبحانه وتعالى سبحانه وتعالى. ها يعني بلا تكييف ولا تمثيل. فتخيل اقرب لحظة - [00:22:25](#)
بينك وبين ربنا في الحياة في سجود التلت الاخير من الليل. عشان كده في سورة السجدة اللي اتكلمت عن اعظم سجدة بيسجدها المؤمن بين ايدين ربنا جابت قيام الليل وربنا سبحانه وتعالى بيكلمك وبيكلمك وبيقول لنا جميعا - [00:22:45](#)
تجافى جنوبهم عن المضاجع يدعون ربهم خوفا وطمعا. ومما رزقناهم ينفقون فلا تعلم نفس ما اخفي لهم من قرة اعين جزاء بما كانوا يعملون. سورة السجدة اتكلمت عن قيام الليل اعظم سجدة هتسجدها في حياتك. اطلبى فيها اللي انت عايزاه. اطلب فيها اللي انت

عايزه. يا اخواننا سبحان الله العظيم! اما اتكلمنا عن - 00:23:05

استغفار من اسابيع واحد يقول لي رزقت حمل بسبب الاستغفار. واحد يقول لي الاستغفار طلع بيحجب حج اللهم لك الحمد. طلع بيحجب حجة احج السنة دي ان شاء الله لربنا اذن. وواحد الناس سبحان الله العظيم كل شوية اسمع حاجة عن الاستغفار. حاجة عن الاستغفار. وانا نفسي في حياتي مجربة. او مال - 00:23:35

يا جماعة استغفار التلت الاخير من الليل ده يبقى شكله ايه ؟ امال يا اخوانا لما تقول سيد باستغفار وانت ساجد في اقرب سجدة بينك وبين ربنا يبقى شكلها ايه عايزين - 00:23:55

نعيش مع ثمار قيام الليل. قيام الليل ممكن يعمل لنا ايه؟ قيام الليل ممكن يغير في حياتنا ايه؟ قيام الليل. يا اخوانا نفسك ربنا يستجيب دعاءك نفسك في دعاء مستجاب؟ يا اخي ما عندك مشاكل؟ يا اخوانا احنا مستغنيين كده ليه؟ يا جماعة ده احنا حياتنا كلها مصايب مش - 00:24:09

ده احنا حياتنا كلها مشاكل مادية. ومشاكل اجتماعية ومشاكل دينية ومشاكل ايمانية تاكل اخروية يا اخوانا ده احنا يعني والله يا اخواني انا امبارح وانا نايم كده انا انا قاعد افكر ايه - 00:24:29

الدنيا دي يا ربي هو الدنيا ربنا خلقها كده عشان لما نموت ما نشتاق لهاش مرة الدنيا دي عاملة كده ليه ؟ كرب في كرب. احبابك كلهم مبتلين. انت كل شوية تلاقي الدنيا فيها مشاكل. الدنيا متقلبة. لو ادت لدهن - 00:24:49

النهاردة هتاخذ منه بكرة. ولو عفت ده بكرة هيجي له مرض مهول بعد بكرة. ولو دنيا بشعة يا اخواني. الدنيا العونة والعياذ بالله.

فالواحد يعني بيفكر كده حياتنا كلها مشاكل. نجم للمشاكل دي ازاي يا اخوانا؟ الدعاء يا جماعة - 00:25:09

فكر كده معي لو كان ربنا ما بيتنزلش كل ليلة ويقول هل من سائل فاعطيه؟ هل من مستشف فاشفيه؟ هل من مستدفي اللي تضر

فادفعه عن؟ هل من مستغفر فاغفر له؟ هل من تائب فاتوب عليه؟ تخيل لو كان ربنا ما بيتنزلش كل - 00:25:29

لو ربنا كان بيتنزل كل ثلاث شهور مرة. يعني النبي عليه الصلاة والسلام ما قالش ان الله يتنزل في التلت الاخير من الليل فيقول هل

من سائل؟ لأ النبي قال ان ذلك يحدث كل ثلاثة اشهر مرة. تخيلوا كده الشوارع كانت هتقفل في قيام الليل - 00:25:49

كل ثلاث شهور قد ايه ؟ تخيلوا الليلة اللي كل ثلاث شهور دي الناس ما كانش حد هينام. الناس كانت هتعمل فيها زي ليلة سبعة

وعشرين بالزبط. الناس اعمل فيها زي ليلة سبعة وعشرين بالظبط لما الناس مقفلة الشوارع في قيام الليل. طب يا رب ليه؟ ربنا ما

قالش انه بيتنزل - 00:26:09

كل ثلاث شهور. ليه ربنا قال انه بيتنزل كل ليلة؟ عارف ليه؟ لان لو كان ربنا ما بيتنزلش كل ليلة كانت بقت مصيبة. لانك محتاجه كل

ليلة. هي دي المشكلة يا جماعة. انك تكتشف انت محتاج ربنا قد ايه. انك تكتشف - 00:26:29

انك انت عندك مشاكل في حياتك قد ايه ؟ انك انت تفهم ساعتها قيمة دعاء التلت الاخير من الليل شكله ايه انا بتخيل كده لو جم في

كوكب تاني وقالوا لاهل الكوكب التاني ان ربنا قال لاهل الارض انه بيتنزل في التلت الاخير من الليل فيقول هل من سائل -

00:26:49

يا نهار ابيض! انا والله يا اخواني ما انا متخيل انت مصدق ربنا انت مصدق الحديس ده ؟ انت عايز تقنعني. انت عايزة تقنعيني ان

انت مصدقة ان الصمد القيوم - 00:27:09

رب العرش العظيم بيتنزل في التلت الاخير من الليل كل ليلة ويقول لك هل من سائلة فاعطيت هل من مستشفية فاشفيها؟ هل من

تائبة فاتوب عليها؟ وما بتقوميش الليل؟ انا بالنسبة لي انا مش مصدق يا اخوانا. انا مش مصدق - 00:27:25

ان في حد مصدق الحديس ده وما يقومش. اللي مصدق الحديس ده لا يمكن ما يقومش. لان دي فرصة عمرك اصلا. دي فرصة عمرك.

انت كل ليلة فرصة صوت عمر بالنسبة لك لو جم لاهل كوكب تاني وقالوا لهم ان ربنا قال لاهل الارض انه بيتنزل في التلت الاخير من

الليل ويقول هل من - 00:27:45

مسائل انفاطية فجه واحد من كوكب التاني يزورنا قبل الفجر بساعة. وهو موقن ان لا يمكن ولا واحد من اهل الارض نايم. ليه ؟ مش

ممكن. فجه لقي كل ناس نايمه لقي كل اهل الارض نايمين هيقول علينا ايه ؟ يا اخوانا احنا بنزرع بالليل وبنحصد بالنهار. يا اخوانا
اللي ما لوش - 00:28:05

ما لوش نهار. عشان كده ربنا جعل سورة المزمل في ترتيب المصحف قبل ترتيب سورة المدثر. لان المزمل بالليل ويوم المؤمن بالليل
قبل المدثر بتاعة النهار. واللي هيقوم الليل ربنا هيفتح عليه بالنهار - 00:28:27

هيفتح له ابواب فضله ورحمته بالنهار. يبقى احنا يعني زمان لما كان حد ينزل القاهرة فيقولوا له انت عندك آآ المصلحة الفلانية في
في برمسييس. والمصلحة الفلانية مش عارف فين. والمصلحة الفلانية مسلا روكسي. والمصلحة الفلانية. مصر القديمة. فالناس -
00:28:47

اتبهدلت. فقاموا عاملين مجمع ضخم اسمه مجمع التحرير. قال لك اللي هينزل مصر كل المصالح بتاعته في مجمع التحرير. يبقى
جمعوا له قال اهو قيام الليل مجمع التحرير بتاعنا يا اخوانا. كل اللي انت عايزه بين ايديك في مجمع التحرير. يا اخوانا هو اللي نازل
الصبح رايح يقضي المصلحة - 00:29:07

بتاعته ومعه تأشيرة وزير زي اللي نازل يقضي المصلحة بتاعته من غير اي حد معه. طب تخيل انت بقى بين ايدين ربنا طلبت منه
ونازل بالنهار رايح له. هيبقى التيسير شكله ايه ؟ يا اخوانا فيه ناس اتجوزت بقيام الليل. فيه ناس خلفت بقيام الليل. فيه ناس -
00:29:27

شفيت من امراض لفت جمهورية مصر العربية عشانها شفيت منها قبل ان ينفجر الفجر. قبل ان تقع عمود الصبح كان ربنا شفاها منها
في قيام الليل. فيه ناس ربنا فرج عليها فرج مبين في قيام الليل - 00:29:47

قيام الليل ده معجزات في اجابة الدعاء. عايز ربنا يستجيب دعائك. شف قيام الليل بتاعك. شف انت محتاج ايه من ربنا؟ كفاية
استغناء فمستغنيين عن ربنا كده ليه؟ هيحصل فينا ايه اكثر من اللي حاصل الوقتي في البلد واللي حاصل في الناس دلوقت -
00:30:07

هيبجي امراض اشد من اللي موجودة ايه ؟ هيبجي مشاكل اشد من اللي موجودة ايه ؟ عشان تبدأ تقوم الليل بقى عشان تعرف قيمة
اجابة الدعاء بتاع قيام الليل سبحانه الله العظيم - 00:30:27

سبحان الله! يعني قيام الليل ده يا جماعة اختيار يا جماعة. لو انت عايز ربنا يختارك. لو عايز ربنا يستفيق قم الليل. ربنا بيقول لك
ايه؟ يا ايها قال مزمل قم الليل الا قليلا. يا ايها المزمل مين المزمل ده؟ محمد بن عبدالله عليه الصلاة والسلام. طب يعني يعني -
00:30:39

اسمعني يا رب اشمعني محمد يا رب اشمعني العبد الفقير المسكين اللي قاعد في غار اتنين متر في ثلاثة متر في ارتفاع جبل ساعة
ونص عشان تطلع له بينه وبين مكة بلده اربعة كيلو متر. وقاعد لوحده في الضلمة وقال اشمعني ده يا رب؟ اشمعني المزمل ده يا
رب؟ يا ايها المزمل قم الليل - 00:30:59

يا رب ده انت لو كنت نزلت الرسالة دي على كسرى كان نص العالم دخل في الاسلام في اول يوم. لو كنت نزلت الرسالة دي على قيصر
كان الاسلام انتشر في العالم - 00:31:19

في اسبوع واحد. لو كنت نزلت الرسالة دي على فيلسوف عالمي او مفكر عالمي كان العالم انبهر بالاسلام في اسبوع واحد. يا رب
اشمعني ده يا رب يا جماعة ربنا ما بيختارش اي حد. يا اخوانا ربنا ما بيصطفيش اي حد. يا - 00:31:29

جماعة قيام الليل ده اصطفاء. انتم فكركم ان احنا فينا ناس امبارح قامت الليل وناس امبارح ما قامتش الليل. انت فكرك ان اللي ما
قامش الليل ده ما قامش لانه كان نايم متأخر ولا ما قامش لانه تعبان فما قدرش ولا ما قامش وفكرك - 00:31:49

اللي قام الليل لانه كان عامل حسابه يا ابني ده قام لان ربنا قومه. وده نام لان ربنا ما قوموش. دي قامت لانه ربنا اقامها. انت ساعات
تربط عشر منبهات وما تصحاش. وساعات يعني مرة يعني سبحانه الله العظيم. يعني يعني حد - 00:32:09

الناس ربنا ارسل له نملة قعدت ساعتين تقطع في رجليه لحد ما لحق قيام الليل. هو ربنا يا ابني لو اراد انه يوقرك هيقرك لو اراد انه

يقومك هيقومك. لو ارادك لاقامك سبحانه وتعالى يبقى يا ايها المزمّل اعرف بقى ان قيام الليل - 00:32:29

اصطفاء من ربنا. اعرف بقى زي ما قلنا الوقتي كده السبعة تمانية اللي في استقبال ملك البلاد. لما يختارها يختار منهم. يعني ربنا لو اختار من اللي قاعدين قدامي دول - 00:32:49

قل دعاء بكرة هيختار مين ؟ لو ربنا اختار من دول مجاهدين بكرة هيختار مين ؟ لو ربنا اختار من دول علماء بكرة هيختار مين ؟ لو ربنا من دول يعني لجواره في الفردوس الاعلى. هيختار مين ؟ اكثر ناس اكثر ناس تقوم لله في جوف الليل - 00:32:59
في جوف الليل مجمع الفتوحات كلها عايز ايه؟ نفسك في ايه؟ يا ايها المزمّل يا ايها المزمّل قم يا ايها المزمّل دي يا اخوانا مش كلمة مدح. يعني ما هيش مدح لحد ان ربنا يقول له المزمّل. المزمّل ده يعني واحد متلفت في يعني واحد ملفوف في بطانية. واحد -

00:33:19

او بيرتجف وملفوف في بطانية. وربنا يقول يا ايها المزمّل. اه عشان قارن اول اية باخر اية بقى. اخر اية اول اية يا ايها المزمّل النبي عليه الصلاة والسلام ملفوف في بطانية. اخر اية ان ربك يعلم انك تقوم ادنى من ثلثي الليل. الله - 00:33:39
الله اكبر الله اكبر. اول اية منزر النبي عليه الصلاة والسلام وهو نايم. واخر اية منزر النبي ورجليه متشققة فيه ورمة زي ساق النخلة من طول القيام بين ايدين ربنا سبحانه وتعالى. شفتهم القرآن بيبغير قد ايه؟ شفتهم الارتباط بالقرآن - 00:33:59
مع الانسان قد ايه ؟ ده اثر القرآن على النبي عليه الصلاة والسلام. ده اثر كلام الله على رسول الله. الفرق بين اول اية واخر اية بيدك امل كبير قوي ان احنا ممكن نتغير يا جماعة ان احنا المزمّلين المزمّلين كل ليلة اللي هو احنا ان احنا - 00:34:19
ممكن نتغير ان احنا ممكن نوصل لمستوى ثاني. بس لو سلمنا قلوبنا للقرآن. لو سلمنا نفسنا للقرآن. عشان كده اول اية. يا ايها المزمّل ايها النداء تعظيم. يا اللي ما انتاش عارف قيمتك. يا اللي ما انتاش عارف قدرك. يا اللي ما انتاش عارفة انت لو قمت ربنا هيبغير بك في الواقع قد ايه - 00:34:39

اوعى تستقل بقيمتك. اوعى تستقل بالفتح اللي ربنا ممكن يفتحك عليك في دينك. اوعى تستقل بالمقام اللي ربنا ممكن يرفعك له. يا ايها المزمّل انت مزمّل بس انت لا تدري لو قمت هيحصل في الدنيا ايه. لا تدري لو قمت هتغير في الدنيا ايه. لا تدري - 00:34:59
وقمت مرضى بالسرطان الوقتي في مستشفيات اوروبا وامريكا. لو ماتوا على الكفر هيخلدوا في جهنم. هينقذ مصيرهم بسببك قد ايه. ما انت مش عارفة لو قمت متبرجات. النبي عليه الصلاة والسلام قال عنهم. العنوهن فانهن ملعونات. هيقوا تقيات - 00:35:19
عاد بسبب قمتك قد ايه. يا ايها المزمّل قم قم فعل امر. لانك انت ما انتاش داخل مستشفى امراض نفسية. فيه شباب كتير بيدخل الدين كانه مستشفى امراض نفسية. انت داخل جيش يا ابني! يا اخوانا مين اللي قال لكم ان الدين لعبة؟ يا اخوانا ممكن واحد -

00:35:39

حد يقول لك قيام الليل. قيام الليل ده موضوع كبير. احنا كان ممكن نتكلم عن موضوع ابسط من كده شوية. يا ابني ابدأ صح. يا بنتي ادخلي الدين ده يا اخوانا بلاش ندفع عمرنا تمن للفهم. انا مش متخيل واحد ممكن يبجي وهو بيموت يقول الحمد لله. انا قعدت - 00:35:59

خمس سنين بعيد عن اخواني لحد ما وقعت على رقبتني وعرفت بعد خمس سنين قيمة الاخوة. وقعدت سبع سنين شغال في الدعوة بس لوحدي لحد ما لقيت ما فيش اي ثمرة للشغل الفردي. فعرفت ان قيمة التعاون مع اخواني. وقعدت ست سنين ما باقمش الليل - 00:36:19

لقيت حياتي ما فيهاش اي بركة. لحد ما فهمت قيمة قيام الليل. الحمد لله يا جماعة. انا صحيح ما نفزتش حاجة من الكلام ده. بس انا امتى يا جماعة؟ انا باموت وانا فاهم. يا سلام! يا ابني ما تدفعش عمرك تمن للفهم، يا ابني صدق ربنا. نفز كلام ربنا من - 00:36:39
اولها يا ايها المزمّل قم الليل يبقى قم الليل. ما تقعدش بقى تزوغ في نمط الالتزام بتاعك. قم الليل الا قليلا. نصفه او انقص منه قليلا. متخليين يا جماعة؟ النبي عليه الصلاة والسلام معه صفحة قرآن - 00:36:59
ثلاث سطور من سورة اقرأ. وثلاث سطور من المذثر. وثلاث سطور من المزمّل. يعني ما يجوز صفحة قرآن. وربنا بيقول له نصفه او

انقص منه قليلا اصلي بايه يا رب؟ بدون ازاي يا رب؟ عش يا ابني يا ابني عش. يا ابني الجزء اللي بيتقري في ساعة في صلاة

التراويح في رمضان كان بيقد سنة ينزل - [00:37:19](#)

على الصحابة والصحابة يفضلوا يقوموا الليل به سنة كاملة. عشان كده المعاني غرزت في قلبهم. عشان كده اتربوا على المعاني في قلبهم. يبقى القضية مش قضية ان انا قاعد اقرا رارا. القضية قضية ايه اللي دخل في قلبي. سبحان الله العظيم. من الحاجات العجيبة

جدا. الحاجات العجيبة جدا. ان ربنا وهو بيتكلم - [00:37:39](#)

عن قيام الليل يتكلم عن مشهد غريب جدا من مشاهد الدار الآخرة. يقول لك وربنا بيتكلم عن قيام الليل في الايات اللي احنا بنتكلم فيها. ربنا يقول لك ان لدينا انكالا وجحيما. الله! ربنا بيتكلم عن قيام الليل يا جماعة. وفي وسط ايات قيام - [00:37:59](#)

الليل وبعد ايات قيام الليل ربنا يقول ان لدينا انكالا وجحيما وطعاما ذا غصة وعذاب الينا يوم ترجف الارض والجبال وكانت الجبال كتيبا مهيبا. يعني ايه يا جماعة؟ ربنا يقول - [00:38:19](#)

اذا لدينا انكالا النجل ده لجام الحمار يعني يعني والعياذ بالله فيه ناس بتمسخ يوم القيامة بهائم. فيه ناس والعياذ بالله بتمسخ يوم القيامة بتبقى يا اخوانا يعني اللي ما عاش اللي ربنا تنزل له وهو ما قدرش يقدر ده معناه ايه؟ يعني تخيل انت في بيتك رئيس

الجمهورية ركب ها - [00:38:39](#)

آآ يعني رئيس جمهورية بقى بجد كده ولا حاجة. ركب العربية بتاعته ونزل من القصر الجمهوري وجا لك لحد بيتك. وخبط عليك الساعة ثلاثة بالليل ليه عايز اشوف هو محتاج مني حاجة ولا ايه؟ فزوجتك بتقول لك رئيس الجمهورية جا لك. قولي له تعبان مش

قادر. انا شقيان طول اليوم مش قادر - [00:38:59](#)

مممكن ينزل لك ثاني؟ لا يمكن. طب تخيل لو نزل لك ثاني ليلة. بيخبط الساعة ثلاثة بالليل. مراتك بتقول لك قولي له تعبان. مش قادر. لا يكلف الله نفسا الا وسعها. ده جاي عشان يقول لك انت محتاج ايه. جاي عشان يشوف طلباتك. مش قادر. تعبان. تخيل بقى ان -

[00:39:19](#)

ربنا السنة اللي فاتت دي تنزل لك تلتمة خمسة وستين مرة. ما فيش ولا ليلة ربنا لا يتنزل فيها. وكل ليلة ما بتقومش ارض يتنزل لك الليلة اللي بعدها. ويظل ينادي عليك سبحانه وتعالى. طب تخيل بقى ان العرض ده ولا عمل فيه حاجة. دول ايه يا جماعة؟ هو ده -

[00:39:39](#)

ادم يا اخوانا ان لدينا انكالا ربنا بيقول لك انا ممكن انكل باللي عرض عني. والنكل ده اللي جاب الحمار يعني او جزء من جاب الحمار يعني في ناس بتمسخ بهائم في جهنم لانها والعياذ بالله في الدنيا ما كانتش بتعقل اصلا في علاقتها بالله. امبارح واحنا - [00:39:59](#)

جولة من الجوالاات يعني فالشباب كده يعني باقول له يا ابني يا ابني لو انا المغني فلان الفلاني الله كان حصل ايه في المنطقة دي؟ قال لي كان الدنيا اتقلبت. قلت له طب يا ابني انا واحد باكلمك عن ربنا. انا مش المغني فلان اللي جاي يخطفك من طريق ربنا. اللي

جاي بدأ - [00:40:19](#)

ربنا المفروض الانسان يفكر في ده تفكير شكله ايه؟ هو ده تعظيم شخص ولا تعظيم الله اللي الشخص ده بيتكلم عنه اللي الشخص ده جاي يتكلم مع جلاله ان لدينا انكالا وجحيما. الجحيم النار بس النار ما تتسماش جحيم الا لو فيها - [00:40:39](#)

اربع حاجات. الحاجة الاولانية انها نار عظيمة. شديدة الالتهاب. الحاجة الثانية انها نار عميقة جدا. يعني في حفرة عميقة. الحاجة الثالثة انها ضيقة جدا. يعني الحفرة ضيقة. الحاجة الرابعة ان النار مسلطة على الاجساد. زي بتاع لحام الاكسجين كده. زي بتاع -

[00:40:59](#)

الحديد اللي بيكوي نقطة معينة في الحديد كده بالنار نار مسلطة على الاجساد. وجحيما وربنا جابها نكرة للدلالة على التعظيم.

وجحيما وطعاما فغص. تخيل اكل يقف في الزور. لا ينفع يطلع ولا ينفع ينزل. يعني احد اخواني مرة دخل عمل عملية جراحية -

[00:41:19](#)

بياكل حطة لحمة حطة عضمة وقفت في زوره. دخل عمل عملية جراحية. ورحنا نزوره في المستشفى قعد يوصينا قبل ما يدخل. كانه

هيموت ده عشان حطة عضمة يا اخوانا لو بتاكل سمكة وحتة بتاع وقفت في زورك بتنزل المستشفى عشان يشيلوها لك. احنا طعاما
ذا غصة. تخيل دي - [00:41:39](#)

تلاقي في جهنم وعذابا اليماء. يا رب هو الطعام اللي زاق غصة مش عذاب. يا رب هو الجحيم مش عذاب. يا رب يا الانكالمش عذاب.
يا اخوانا الملوك بتاعة قائمة التعذيب في جهنم اكبر مما نتخيل. المنو بتاعة اصناف التعذيب لا تتخيل وعذابا اليماء. يوم ترجف -
[00:41:59](#)

الارض والجبالم. الارض والجبالم بترجف من الرعب. وهي مش مكلفة. وهي ما وراهاش نار وحنة. وهي مش هتعتدي من على الصراط
وهي مش هتعرض على الله وهي ما لهاش صحيفة تتحط في الميزان. او مال اللي وراه كل ده يرتجف قد ايه؟ يوم ترجف -
[00:42:19](#)

والارض والجبالم وكانت الجبالم كتيبا مهيلاء. قلت سبحان الله! يعني سورة المزل بعد ما اتكلمت عن القيام اتكلمت عن القيامة. كأن
المعنى لو انت مستخسر انك تقف ساعة بين ايدين ربنا في جوف الليل انت بتتعب نفسك في وقفة خمسين الف سنة. يعني وفري
على نفسك وقفة - [00:42:39](#)

خمسين الف سنة بوقفة نص ساعة قبل الفجر كل ليلة بين ايدين ربنا. اما القيام واما القيامة. اما القيام واما القيامة يا اخوانا قيام
الليل ده صاروخ. عارف يعني ايه؟ عارف يعني واحد وهو بيقوم الليل كده انت ركبت صاروخ تلحق به الصالحين. ركبت صاروخ -
[00:43:09](#)

تنطلق به في ركب الصالحين. طيب اللي نام بقى صاحي انت ثاني يوم الصبح بعد ما راح عليك قيام الليل صحيت على اذان الفجر.
واخوك الليل شف هو سبقتك في الطريق الى الله بقدايه. شف هو قطع من الطريق الى الله وفي الطريق الى الله وفي الطريق الى
الجنة قد - [00:43:29](#)

ايه وانت ما انتاش دارس وانت نايم وانت صحيت على الفجر وراح منك اخطر ساعة في اليوم بتاعتك كله اخطر ساعة في عبادة
وهي عبادة قيام الليل. يعني ايه يا اخوانا؟ حديس خطير اوي عن النبي عليه الصلاة والسلام. كلمتكم انا من حوالي شهرين عن -
[00:43:49](#)

تحفيظ القرآن وكلمتكم عن حديس اقرأ وارفق ورتل ان كل آية بتحفظها بدرجة في الجنة. ها وسخنا مع بعض يومئها على ان احنا
كلنا لازم القرآن يبقى في صدورنا. نحفظه بازن الله سبحانه وتعالى. اسمع بقى الحديس ده. النبي عليه الصلاة والسلام وهو بيقول لك
- [00:44:09](#)

من قام الليل بعشر آيات كتب له قنطار من الجنة. جميل جدا. النبي بيقول لك عشر آيات بس. دي الواقعية يا جماعة. يعني عشان لما
تصحى تلاقي باقي ربع ساعة على الفجر ما تزعلش. يا ابني الحق. ان شاء الله ربنا هيفتح بس - [00:44:29](#)
الحق عشان ما تحبطش لما تلاقي باقي نص ساعة الفجر بس. عشان ما تحبطيش. لما تلحق لك اربعين دقيقة قبل الفجر بس. فمن
قام ليلة بعشر آيات كتب له قنطار من الاجر. والقنطار خير من الدنيا وما فيها. فيقول ربك - [00:44:49](#)

يوم القيامة اسمع بقى فيقول ربك يوم القيامة. اقرأ وارقى بكل آية درجة اقرأ وارقى بكل آية درجة. يعني ايه؟ يعني احنا قلنا قبل
كده ان كل آية هتحفظها بدرجة في الجنة. كل آية هتحفظها بدرجة في الجنة. عارفين الحديس ده معناه ايه يا اخوانا؟ عارفين
الحديس ده بيوجهنا لايه - [00:45:09](#)

كل آية هتقراها في قيام الليل بدرجة في الجنة. يعني صليت قيام الليل بعشر آيات عشر درجات في الجنة صليت قيام الليل بعشرين
آية عشرين درجة في الجنة. انت متخيل ان الآلة في قيام الليل بدرجة في الجنة من قام الليل - [00:45:39](#)

بعشر آيات كتب له قنطار من الاجر. والقنطار خير من الدنيا وما فيها. يقول ربك يوم القيامة اقرأوا فرقة بكل آية درجة. اقرأ وارقى
بكل آية درجة. يعني قيام الليل ده ما هو يا اخوانا يوم القيامة ده عامل زي - [00:45:59](#)
عارفين لما تدخل المطار كده فيه طيارة طالعة امريكا. بس لو معك تذكرة امريكا او تأشيرة امريكا. وفيه طيارة طالعة تركيا بس لو

معك تشريد تركيا في طيارة طالعة آآ فرنسا لو معك تأجير فرنسا فيه طيارة طالعة السنغال لو معك تاجرة السنغال يوم القيامة -

00:46:19

يا جماعة الجنة درجات. وكل درجة فينا جائب بتوصل لها. يعني زي الطيارات كده. الملايكة هي اللي بتقودها بتوصل لها. انت على حد حسب التأشيرة بتاعتك. تأشيرتك فردوس اعلى ولا تأشيرتك ربض الجنة؟ ولا تأشيرتك وسط الجنة؟ ولا تأشيرتك في ادنى منزلة

00:46:39 في الجنة؟ -

انت تأشيرتك ايه؟ تخيل قيام الليل انت بسببه تدخل الفردوس الاعلى. بسببه تجاور الله سبحانه وتعالى في الفردوس الاعلى عايز اقول ايه؟ عايز اقول ان احنا بنتعامل مع عبادة صلاح الدين الايوبي لما كان يعدي على القيام ليلة حطين فيلاقي خيمة الجنود -

00:46:59

الضحى بيصلوا قيام ليل فيقول من هنا يأتي النصر يلاقي خيمة تانية الجنود بتوعها نايمين فيقول من هنا تأتي الهزيمة قيمة مش من

هنا لا يأتي النصر. من هنا تأتي الهزيمة. يعني اللي ما بيقومش الليل ده. سبب من اسباب - 00:47:19

النكسة اللي احنا فيها. شفتم النكسة اللي احنا فيها؟ مشيتوا في الشوارع تعرفوا المصيبة اللي احنا فيها. شفتم لبس الستات دلوقتي عامل ايه شفتم حال الشباب الوقتي عامل ايه؟ شفتم فكر الشباب الوقتي وصل لايه؟ شفتم النكسة اللي احنا فيها كل واحد -

00:47:39

ما بيقومش الليل سبب من اسباب الهزيمة. وكل واحد بيقوم الليل سبب من اسباب عز الاسلام في الارض. وسبب من اسباب النصر سبب من اسباب الفتح يا اخوانا. عشان كده سورة المزمل جت قبل المدرس في ترتيب المصحف. لانك لو قمت الليل بالليل في المزمل

هتتزل في - 00:47:59

مدثر بالنهار ربنا يفتح لك. ربنا هيفتح عليك. على قد ما هتقوم الليل على قد ما الله هيفتح عليك. على قد ما ربنا يختارك يا اخوانا

كثير اوي مننا نفسه يتربى. ايام ما كنت طالب في الكلية - 00:48:19

كنت اشوف العبادات اللي انا قلبي بيعيش معها. وابدأ احاول اركز فيها. عبادة قيام الليل الواحد ما كانش عارف قيمتها. ليه؟ يعني مش عارف بس مش عارف قيمتها. مش مقدر قيمة العبادة دي. لحد ما الواحد قرأ قول الله سبحانه وتعالى لحد ما الواحد فهم

ايات - 00:48:36

وربنا بيقول لك ان ربك يعلم انك تقوم اذن من ثلثي الليل. ان ربك المرابي بتاعك اللي بيربيك. ربنا اللي بيربيك قيام الليل دي تربية

لك. ان ربك يعلم يعني كل سجدة في قيام الليل ربنا يعلمها. كل دمة - 00:48:56

منك في قيام الليل ربنا يعلمها. كل دعوة صعدت الى الله منك. في قيام الليل ربنا يعلمها. يا امة محمد الله اكلمكم. لما ربنا يقول

تتجافى جنوبهم عن المضاجع. يدعون ربهم خوفاً وطمعاً. ومما رزقناهم ينفقون. فلا - 00:49:16

اتعلم نفس ما اخفي لهم من قرة اعين. انت عايز عشان تتشجع على قيام الليل ايه بعد الاية دي. لما ربنا بيقول لك ولا جبريل ولا

ميكائيل ولا الملائكة الاعلى ولا اي ملك في الدنيا يعرف النعيم اللي انا اعديته لك - 00:49:36

في سابق قيام الليل بسبب وقفك بين ايديا في التلت الاخير. يبقى مين اللي يفرط في الوقفة دي بعد كده يا جماعة مين اللي يفرط

في العبادة اللي اتفرضت قبل ما الصلاة تتفرض. قبل ما الصوم يتفرض. قبل ما الحج يتفرض. قبل ما الزكاة تتفرض - 00:49:56

مين اللي يفرط في العبادة اللي ربنا بيتنزل لاصحابها بنفسه. ولا ينزل لهم ملك قرب ولا اي احد. ربنا يتنزل بنفسه لاهل هذه العبادة.

مين اللي يفرط في هذه العبادة العظيمة الجليلة اللي ربنا - 00:50:14

لما اراد انه يربي نبيه ويربي اصحاب نبيه فرضها عليهم سنة كاملة. ان ربك يعلم انك تقوم ادنى من ثلثي الليل ونصفه وثلثه وطائفة

من الذين معك. طائفة ليه؟ لما الناس بتلتزم - 00:50:34

ده بيبقى داعية وده بينام وده بينشط وده بيكسل وده عشان كلمة وطائفة من الذين معك. عشان الكلمة عشان كلمة طائفة مين اللي

هيبزل مجهود عشان يوصل لربنا مين اللي هيبزل مجهود عشان ربنا يرضى عنه يبتغون الى ربهم - 00:50:54

الوسيلة ربنا يجعلنا من اهل قيام الليل يا رب. اللهم امين اللهم امين. الحمد لله وكفى صلاة وسلاما على عباده الذين اصطفى اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك ونبيك محمد - [00:51:14](#)

صلى الله عليه وسلم في الاولين والآخرين والملا الأعلى الى يوم الدين. اما بعد اخواني واحبابي في الله من الآخر يعني عايزين نقول عايزين نقول ايه ؟ عايزين نقول ان قيام الليل العبادة اللي بتجيب لك كل حاجة في حياتك. فيه اثر عند سيدنا داود عليه السلام. ان

- [00:51:34](#)

الله قال له يا داود يا داود وهو يحدثه عن القوامين بالليل. شف ربنا مقام القوامين عنده وهو يكلم داود عن القوامين بالليل. يا داود يا داود نصبوا لي اقدامهم - [00:51:54](#)

وفرشوا لي وجوههم وناجونني بكلامي. وتملقوا الي في عامي فهم بين صارخ وبكي. وبين متأوه وشاكي. اتعلم اعلم يا داود اسمع بقى اتعلم يا داود اني اعطيهم ثلاثة اني اعطيهم ثلاثة - [00:52:14](#)

شوفي ربنا بيدي ايه لاهل قيام الليل. شوفوا ربنا بيعمل ايه لاهل قيام الليل. اتعلم يا داود اني اعطيهم ثلاثة. الاولى لو ان السماوات السبع والاراضين السبع كانوا في موازينهم يوم القيامة. لاستقللتها عليهم. والثانية اني - [00:52:44](#)

قذفوا في وجوههم وقلوبهم من نور. فتستنير وجوههم وقلوبهم. والثالثة اني اقبل عليهم بوجهي ارأيت يا داود من اقبلت عليه بوجهي ماذا اريد ان اعطيه ؟ ملاحظين حاجة في التلات حاجات دول يا جماعة ؟ التلات حاجات دول ضربوا كل حاجة في الحياة. قال

- [00:53:14](#)

اولى لو ان السماوات السبع والاراضين السبع كانت في موازينهم يوم القيامة لاستقللتها عليهم. يعني قيام الليل بيحل كل مشاكل الآخرة والثانية اقذف من نوري في قلوبهم ووجوههم. يعني قلبك يتملى بالايمان واليقين - [00:53:44](#)

الثانية بتحل كل مشاكل الدين. الثالثة اني اقبل عليهم بوجهي. ارأيت يا داود من اقبلت عليه بوجهي ماذا اريد ان اعطي يعني الثالثة بتحل كل مشاكل الدنيا. يعني تلات حاجات. الاولى بتحل مشاكل - [00:54:04](#)

لاخرتك والثانية بتحل مشاكل دينك. والثالثة بتحل مشاكل دنيتك. يبقى انت عايز ايه بعد كده ؟ ايه اللي بعد كده قيام الليل ما بيعملوش على فكرة يا اخواني في الله الاخ اللي ما بيقومش الليل ده اخ مخوخ - [00:54:24](#)

فين المخوخ اخ فاضي من جوة. اخ فاضي خاوي. الاخ لما بيقومش الليل عامل زي الخشبة اللي من برة كويسة ومن جوة مسوسة. والاخ اللي بيقوم الليل ده اللي هيبقى عامل زي العمود - [00:54:44](#)

خرسانة اللي قدامكم داهو. اللي شايل المسجد داهو كله. ساعات تلاقي عمارة هي عشر عواميد. ولا قايمة على عشر عواميد والعمارة ساكن فيها خمسميت بني ادم. انت من الخمسمية اللي ساكنين في بناء الدين ولا من العواميد اللي شايلة الدين - [00:55:04](#)

يبقى قيام الليل بيخرج العواميد الخرسانة اللي هتشيل الدين. قيام الليل بيخرج الاخوة الخرسانة المسلحة اللي هتشيل اللي هيبقوا رجالة. انما الاخ اللي ما بيقومش الليل ده مخوخ. ده لما هتيجي تحمل عليه دين هيقوم واقع. يا اخوانا انت - [00:55:24](#)

قلبك عامل زي المارية. زي المارية. لما بتيجي تحط القرآن قدام المارية بالنهار. انت في الف حاجة قدام قلبك بالنهار تشوشها على الصورة. فوانت بتقرا القرآن بالنار حلو. ولكن فيه الف حاجة داخلية على المارية بتاعة قلبك مع القرآن. انما بالليل - [00:55:44](#)

المارية فاضية خالص. فالقرآن لما بيتعرض على المارية كله بيتبع عليها. ليه ؟ لان ما فيش اي تشويش عليها. ما فيش يا اخوانا. يا جماعة النبي عليه الصلاة والسلام لما قال حديث سبعة يظلمهم الله بظله. يوم لا ظل الا ظله. قال لك امام عادل. اشمعنى يا رسول الله ؟ كل الناس واقفة مهرية في شمس - [00:56:04](#)

القيامة ودول واقفين في المقصورة الملكية في زل عرش الله. لان كل الائمة كانوا فاسدين. فلما ييجي امام عادل ربنا يوقفه في مكان وكل للائمة في مكان شاب نشأ في عبادة الله. الشباب الشهوات بيحروا عليها. فلما يطلع شاب نشأ في عبادة الله ربنا يخليه في -

- [00:56:30](#)

مكان ودول في مكان. طب بالليل يا جماعة كل الناس نايمين. لما واحد يقوم بين ايدين ربنا بالليل. تخيلوا كده ممكن يكون متجوز

وبحب بمراته هيسيبها عشان ربنا. ممكن يكون طالب ووراه مسؤوليات ولكن هيقتطع ساعة عشان ربنا. ممكن - 00:56:50
كون واحد وله صحاب. ولكن هيسيب اصحابه عشان ربنا. مين فينا يا اخواننا يقبل هذه الصفقة الهائلة؟ يقبل الصفقة اللي النبي عليه
الصلاة والسلام. كان بيخرج في التلت الاخير يصرخ في اهل المدينة المنورة. جاء الموت بما فيه عشان يقوموا - 00:57:10
الليل النبي كان بيصحي ومات المؤمنين. كان بيصحي علي وفاطمة. كان بيطوف على بيوت الصحابة في قيام الليل تابعهم في قيام
الليل. مين فينا يدرك خطورة العبادة اللي عباد ابن بشر وهو بيعبد ربنا بها. اتضرب بالسهم وما رضاش انه يسيبها. يعني قيام الليل
بالنسبة لهم كان - 00:57:30

مسألة حياة او موت وداعا شهر رجب. خلاص يا جماعة يعني شهر من الاشهر الحرم عدى وما عدش فيه غير ايام الحرم الحسنات
بتضاعف فيها غير اي حسنات في يوم ثاني. السيئات بتضاعف فيها. غير اي سيئات في يوم ثاني. راح رجب يا جماعة وداخلين -
00:57:50

على شعبان والجمعة الجاية بازن الله سبحانه وتعالى هيبقى الدرس بتاعنا وقفة مع شعبان. لان شعبان اخطر من رمضان. واحد
هيقول لي نعم! يا حبيبي رمضان اعظم سواها. انما شعبان اخطر. ليه؟ يا حبيبي شعبان ده رفع الاعمال - 00:58:10
رمضان اللي فات هيترفع في شعبان داهو. ليلة القدر اللي فاتت لو انت كنت فزت بها تترفع في شعبان داهو كل صلاة صليتها هتترفع
في شعبان. كل نظرة حرام نزلتها تترفع في شعبان. يعني القضية خطيرة جدا. كل غيبة اغتبتها - 00:58:30
او وقعت فيها هتترفع في شعبان. يعني المرة الجاية ان شاء الله بازن الله الوقفة مع شعبان وشعبان هيعدي برضو يا جماعة اللي ربنا
كتب له حياة وهيجي رمضان وهيعدي المواسم بتعدي الليل بتاع رمضان هيبقى سبع ساعات بس او سبع ساعات ونص. القضية
خطيرة جدا. والمنافسة - 00:58:50

السنة دي صعبة جدا وعالية جدا. انتم عارفين يعني لما بيبقى الليل اتناشر تلاتاشر ساعة في الشتاء بيبقى الدنيا واسعة انما الوقت
فعلا اللي هيصمد في القيام والتهجد في رمضان. هم الابطال يا ترى انت هتتدرب على قيام الليل من الوقتي ولا لا؟ يا ترى -
00:59:10

من الابطال دول ولا لا؟ آآ يعني اخوانكم عاملين في الخطة الخمسية اللي احنا بدأناها من يوم من اول رجب المرحلة الثالثة
النهاردة بازن الله سبحانه وتعالى الورقة اللي متوزعة عليكم دي المرحلة الثالثة هتلاحزوا طبعا ان آآ ركعتي الضحى وازكار الصباح
والمساء - 00:59:30

فزادوا ما كانوش في المرة اللي فاتت. هتلاحظوا ان السنن متركز عليها هنا هتلاحظم ان ورد اليومي بقى ثلاث اربع اربع حزب من
القرآن عشان نعرف بقى يا جماعة اللي ما بدأش معنا من الاول يندم بقى. لما كان في الاول ربع قرآن والفرائض من غير - 00:59:50
نوافل وما فيش ركعتين ضحى. وبعض الاخوة كده بص للجدول وقال ده جدول بسيط جدا. انت لو بدأت من الاول هتنتقل احنا لسة
في المرحلة الثالثة ده لسه الرابعة ولسه الخامسة. بازن الله سبحانه وتعالى لو بدأت من الاول بداية تدريكية شف هتنتقل بعد كده ايه
وهتلاقي الصيام بقى - 01:00:10

يوم ويوم. الصيام بقى يوم ويوم يا اخواني في الله. يعني الموضوع دخل في حيز الخطورة الشديدة لان شعبان جاي. عارف يعني
ايه شعبان جاي؟ يعني شهر رفع الاعمال جاي. يعني الجدول اشتد اهو جدا. وهتلاقي قيام الليل بقى قيام نص - 01:00:30
نصف ساعة زائد صلاة الوتر. طبعا احنا قلنا ان ده على الاقل احنا عايزين بازن الله سبحانه وتعالى يعني في قيام الليل نبدأ نشوف
توصيات عملية اعمل ايه عشان اقوم الليل؟ اعمل ايه؟ ما هو انا باجي ازبط عشر منبهات ها منه الساعة تلاتة ومنبه تلاتة -
01:00:50

وخمسة ومنبه طيب موبايلات دلوقتي بقى ممكن تزبط على عشرين منه. وفي الاخر اصحى الاقي الظهر ادن مش هلاقي الفجر ادن.
اعمل ايه؟ ها؟ ثاني يوم ازبط منه واقول والله لانا صاحي. اقوم من النوم ادخل الحمام اصحى الاقي راسي في الحوض. الاقي الفجر
عدى علي وقيام الليل عدى علي. تالت - 01:01:10

يوم اصحى الاقي نفسي مش عارف ايه. رابع يوم اعمل ايه عشان اقوم الليل؟ اول حاجة يا اخوانا عايز ربنا يقومك بالليل ما تعصيش ربنا بالنهار. ما تعصيش ربنا بالنهار عشان يقومك بالليل. ثاني حاجة لازم العشاء المحمول بتاعك يتقفل يا ابني - [01:01:30](#) يعني ده المحمول بتاعي اهو العشاء اتدنت اهو اقوم عامل كده اهو بس الف سلامة كل سنة وانتم طيبين محمود اتقفل. اللي بيحصل يحصل بقی لقاءك بالخالق اهم مليار مرة من لقاءك باي مخلوق - [01:01:50](#)

ما فيش مخلوق هيحل لك كل مشاكل حياتك لما تلقاه. وتناجيه. انما الخالق يحل لك كل مشاكل حياتك. ثالث حاجة اعمل حاجة حزام امانى يعني ايه حزام امان؟ صل لك نص ساعة بعد العشاء. ليه؟ عشان لو راح عليك القيام يبقى انت برضو اسمك صليت. ابدأ - [01:02:14](#)

الليل بصلاة. صل لك نص ساعة العشاء. رابع حاجة. طب انت صحيت ولقيت ما فيش غير ربع ساعة على الفجر او نص ساعة الفجر. الحمد لله. ده احنا قلنا التلت الاخير بالسانية. يا اخوانا السانية تفرق معك في قيام الليل. جميل جدا. قم اتوضى في سانية واقف على سجادة الصلاة. وقل الله - [01:02:34](#)

الله اكبر واقرا الفاتحة وسورة قاصرة وارفع ايدك واستغيس بالله. انت في اكر وقت بتجيب فيه الدعاء ده انت في وقت السحر الاعلى لو ما لحقتش غير ربع ساعة انت لحقت غنيمة. لو ما لحقتش غير خمس دقائق انت لحقت غنيمة بس تبقى نيتك انك انت - [01:02:54](#)

الوضع ده ما يستمرش لازم تزود في قيام الليل. ولازم قيام الليل قبل ما رمضان يدخل يبقى على الاقل بقى ساعة ساعة ونص يا جماعة بازن الله وحده. بازن لله وحده. لازم قبل ما رمضان يدخل يبقى قيام التلت الاخير بقى على الاقل ساعة ساعة ونص. مش عايز اقول كمان ساعتين واكثر ليه؟ عشان تعرف - [01:03:14](#)

انك تتهجى في رمضان بازن الله. يعني احنا مشروعنا السنة دي في رمضان ان شاء الله ان احنا نصلي من العشاء للفجر. ما هو ما فيش وقت بقى. اللي عايز ينام يبقى يريح له - [01:03:34](#)

في المسجد احنا دلوقتي بندور على مسجد لرمضان بازن الله نعيش فيه رمضان مع بعض. نعبد ربنا فيه في رمضان مع بعض بازن الله بندور على مسجد نصلي فيه من العشاء للفجر بازن الله. اللي عايز يريح يميل له ساعة كده وخلاص. والسحور في ثلاث دقائق قبل قبل - [01:03:44](#)

الفجر وخلاص. والليل كله صلاة بين يدي الله. والنهار عبادة نعمل بيئة ايمان تعبدية في رمضان. بازن الله سبحانه وتعالى لو احنا نستاهل الفتح ده ربنا هيفتح علينا به. عشان كده اخواني واحبابي في الله آآ يعني ما تنسوش هذه - [01:04:04](#)

تحذير العملية بتاعة قيام الليل اقفل محمولك العشاء ما تقفل محمولك ياه الله! مش العشاء اتبنت! ما تطبق يا بني! اهو واحد اهو صاحب محمول واقفله اهو. اه بس انت لسة بتسجل. اقفل - [01:04:24](#)

محمولك ياه. اقفلي محمولك يا بنتي يا رب اللي تقفل محمولة العشاء عشان قيام الليل ربنا يجوزها. ولو متجوزة ربنا يهدي لها جوزها. وربنا عيالها. هنعمل ايه بس بتعمل ايه؟ لو قيام الليل راح منك ما تحبطش يا حبيبي. احنا مش قاعدين نتكلم عن السخونية في العبادات عشان يجي لك احباط. قيام الليل راح منك اقضيه بالنهار - [01:04:41](#)

موضوع بسيط يا جماعة ولكن يبقى فيه نية صادقة في الوصول الى الله. ربنا يسدكم يا رب باقي الورقة اللي معكم. خلق المرحلة بر الجار. اعمل اي حاجة لجيرانك يا عم اتصالات. هات ورقة زي بتاعة صل على الحبيب وعلقها في دخلة البيت. آآ اعزمهم اي اعمل اي منزى يعني. هات آآ - [01:05:05](#)

شوية بتوع اعمل اي منزى تفرح به جيرانك. تبر به جيرانك ومعصية نتطهر منها. ترك سماع الاغاني المحرمة للزم ومبتلى اللي هيبدأ معنا النهاردة لسة اول يوم. يبدأ الجدول من من هذه المرحلة بازن الله سبحانه وتعالى ونبدأ نكافح ونعلى مع بعض - [01:05:25](#) نسأل الله سبحانه وتعالى ان يجعلنا من الصوامين القوامين. رب اجعلنا لك قوامين. رب اجعلنا لك قوامين. اللهم يسر لنا قيام الليل يا رب العالمين. اللهم شرفنا بقيام الليل بين يديك يا رؤوف يا رحيم. اللهم اكرمنا بقيام التلت الاخير من الليل. يا رب - [01:05:45](#)

العالمين يا بر يا تواب. يا قريب يا مجيب. يا احد يا صمد. يا رحمن يا رحيم. يا حي يا قيوم يا ذا الجلال والاكرام. اللهم شرفنا بقيام
الثالث الاخير من الليل يا رب العالمين. اللهم افتح علينا في قيام الثالث الاخير من الليل يا رب - [01:06:05](#)
رب العالمين. اللهم اكرمنا ولا تهنا. واعطنا ولا تحرمنا. وزدنا ولا تنقصنا. واثرا ولا تؤثر علينا. واهدنا ويسر الهدى الينا. اللهم ارضنا
وارض عنا. اللهم الف بين قلوبنا على طاعتك وابتغاء مرضاتك يا رب العالمين. اللهم بلغنا رمضان - [01:06:25](#)
واجعلنا فيه من الفائزين. اللهم بلغنا ليلة القدر واجعلنا فيها من الفائزين اللهم افتح علينا في شعبان في الصيام والقيام يا رب
العالمين. اللهم افتح علينا في شعبان في الصيام والقيام يا رب العالمين - [01:06:45](#)
اللهم ان كتبت لنا حياة فافتح علينا في شعبان في الصيام والقيام يا رب العالمين. يا حي يا قيوم برحمتك نستغيث اصلح لنا شأننا
كله ولا تكلنا الى انفسنا طرفة عين. سبحانك اللهم وبحمدك اشهد ان لا اله - [01:07:03](#)
الا انت استغفرك واتوب اليك - [01:07:23](#)